

Broj: 356/25
Cazin, 28.03.2025. god.

Na osnovu člana 27. Uredbe sa zakonskom snagom o Ustanovama (Službeni list R BiH, br: 6/92, 8/93 i 13/94), člana 44. Pravila JU „Centar za kulturu i turizam“ Cazin, člana 6. Odluke o preuzimanju prava i obaveza osnivača prema JU „Centar za kulturu i turizam“ Cazin (Sl. novine Grada Cazina br.4/19 i 9/21) direktor, d o n o s i:

ODLUKA
o korištenju i uslovima iznajmljivanja
prostora Starog grada Ostrožac

Član 1.

Odlukom o korištenju i iznajmljivanju prostora Starog grada Ostrožac, koji se nalazi u naselju Ostrožac bb, 77228 Ostrožac, uređuje se način korištenja, iznajmljivanja i održavanja, te sva druga pitanja u vezi sa korištenjem prostora Starog grada Ostrožac (u daljem tekstu: Stari grad).

Član 2.

Poslovi u vezi iznajmljivanja Starog grada, raspored korištenja, vođenje evidencije korisnika, naplata za korištenje i regulisanje ostalih odnosa sa korisnicima je u nadležnosti JU „Centar za kulturu i turizam“ Cazin (u daljem tekstu: CKT).

Član 3.

Prostor Starog grada je namjenjen za korištenje u komercijalne svrhe, nekomercijalne svrhe (programi neprofitnih ili obrazovnih organizacija), programi političkih organizacija, programi i projekti koji se ostvaruju u saradnji sa CKT Cazin i Gradom Cazin.

Član 4.

Stari grad Ostrožac prvenstveno se koristi kao kulturno-historijsko mjesto i turistička atrakcija.

Kada se u Starom gradu ne obavljaju aktivnosti CKT i Grada Cazina, isti se može iznajmljivati zainteresiranim korisnicima pod uslovima definisanim ovom Odlukom.

Korisnici mogu biti svi zainteresovani pojedinci/građani, sve nevladine organizacije, privredna društva i korporacije, strane organizacije, kao državni i politički subjekti koji ispune propisane uslove.

Član 5.

Pravo na korištenje Starog grada bez naknade imaju korisnici koji isti koriste u svrhe koje nemaju komercijalni karakter.

Pravo na korištenje Starog grada sa naknadom imaju korisnici koji Stari grad koriste u komercijalne i promotivne svrhe.

Član 6.

Sva zainteresirana lica su dužna za korištenje Starog grada, najmanje 8 dana prije željenog termina, podnijeti zahtjev na propisanom obrascu, putem zvanične email adrese: info@ckt.ba ili na protokol CKT, u kojem će navesti potrebne pojedinosti za iznajmljivanje Starog grada, datum i vrijeme korištenja kao i razloge korištenja.

Član 7.

Podnosilac zahtjeva će pismeno biti obaviješten da li mu je odobren zahtjev za korištenje Starog grada.

Naknada na ime korištenja Starog grada u komercijalne svrhe, uplatit će se na žiro-račun, ili na blagajnu CKT, najkasnije sedam dana prije korištenja istog.

Odobreno korištenje Starog grada može se otkazati najmanje sedam dana prije rezervisanog termina. Podnosilac zahtjeva koji organizira događaj većeg obima dužan je da obezbijedi hitnu medicinsku pomoć i izvrši prijavu javne manifestacije nadležnoj Policijskoj upravi.

Član 8.

Visina naknade na ime korištenja Starog grada određena je Cjenovnikom usluga i isti je sastavni dio ove Odluke.

Član 9.

Za kontrolu nad korištenjem i održavanjem Starog grada zadužit će se uposlenici CKT.

Nakon korištenja Starog grada, uposlenik zadužen za kontrolu izvršit će detaljan pregled prostora, utvrditi da li se isti koristio u skladu sa dogovorenim uslovima, te konstatovati postojanje eventualne štete o kojoj će odmah sačiniti zapisnik.

Korisnici su dužni nadoknaditi učinjenu štetu na bilo kojem dijelu Starog grada koja je nastala usljed nepravilnog korištenja, u roku od 8 dana od dana uručenja procjene učinjene štete. Svi korisnici prostora Starog grada su dužni pridržavati se Pravilnika o kućnom redu Starog grada.

Član 10.

U slučaju većeg kršenja odredbi ove Odluke, kao i kućnog reda Starog grada (na osnovu procjene odgovornog lica) može biti prekinuta trenutna aktivnost korisnika, od strane nadležnih organa.

Svim korisnicima, kao i ostalim posjetiocima zabranjeno je unošenje oružja, promotivnog materijala uvredljivog sadržaja, unošenje opojnih sredstava, ulazak motornih vozila u unutrašnjost Starog grada, unošenje materijalne opreme bez saglasnosti odgovornog lica i sl.

Za svako eventualno kršenje odredbi javnog reda i mira, koje nije propisano ovom Odlukom, primjenjivat će se odredbe Zakona o javnom redu i miru (Sl. glasnik USK 15/10) i Odluka o javnom redu i miru Grada Cazin (Sl. novine Grad Cazin 5/17).

Član 11.

**CJENOVNIK USLUGA IZNAJMLJIVANJA I KORIŠTENJA PROSTORA STAROG
GRADA OSTROŽAC**

RB.	MANIFESTACIJA	OPIS	CIJENA
1.	Koncerti	Manji koncerti koji se po svom sadržaju uklapaju u ambijent Starog grada Ostrožac.	Prema posebnoj Odluci koju donosi direktor Ustanove
2.	Manifestacije	Promocije, predstave, performansi, izložbe, sajmovi, seminari, muzičke i zabavne aktivnosti, sportski događaji, politički skupovi i sl.	Prema Pravilniku o uslugama JU CKT-a
3.	Fotografisanje	Profesionalno fotografisanje (vjenčanja, modeli, dizajneri i sl.)	50,00 KM
4.	Svečanost vjenčanja	Samo ceremonija vjenčanja (do 20 osoba)	300,00 KM
5.	Ulaznice za odrasle	Ulaznice za razgledanje	5,00 KM
6.	Ulaznice za djecu	Ulaznice za razgledanje	2,00 KM
7.	Turistički vodič	Turističko razgledanje uz historijski čas o Starom gradu - <i>historijska tura</i>	50,00 KM
8.	Razglednice	Razglednica o Starom gradu, o kući Nurije Pozderca, Cazinu i ostalim spomenicima kulture	2,00 KM
9.	Suveniri	Razni modelarski oblici sa zaštitnim znakovima kulturnih spomenika ovih prostora: slike, umjetnine, fotografije, skulpture, knjige, brošure i sl.	Prema posebnoj Odluci koju donosi direktor Ustanove
10.	Godišnje ulaznice	Stari grad Ostrožac	20,00 KM

Član 12.

Prilikom korištenja prostora Starog grada Ostrožac mogu nastati dodatni troškovi kao što su: angažovanje dodatnih radnika, opreme u vlasništvu CKT-a, privremeni priključak električne energije i potrošnja električne energije, komunalna taksa ako je obavezujuća za određenu manifestaciju, naknade nastalih šteta ukoliko su utvrđene zapisnikom.

Dodatne troškove snosi lice koje iznajmljuje/koristi prostor Starog grada.

Član 13.

Naknadni troškovi koji nisu obuhvaćeni navedenim cjenovnikom usluga iznajmljivanja i korištenja prostora Starog grada Ostrožac mogu biti definisani u skladu sa Pravilnikom o uslugama JU „Centar za kulturu i turizam“ Cazin.

Član 14.

Iznajmljivanje i korištenje prostora Starog grada Ostrožac se vrši isključivo na osnovu predhodno podnesenog pismenog zahtjeva.

Član 15.

Ova Odluka stupa na snagu danom dobijanja saglasnosti od Upravnog odbora CKT.

Član 16.

Stupanjem na snagu ove Odluke prestaje da važi posljednja usvojena Odluka br. 390/24, od 23.04.2024. godine.

Dostavljeno:

1. UO Ustanove
2. a/a Ustanove



Direktor

Ermin Beganović, mr.